


貳臣傳 七上



漢書	
內閣文庫	
番號	漢 2304
冊數	20 (13)
函號	290 42




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





貳臣傳卷七

乙部

唐通列傳

漢書文庫

唐通陝西涇陽人明崇禎七年以榆林守備從總督陳奇瑜征流賊于鄖陽尋遷遊擊守漢中復遷宣府副將至密雲總兵十四年我

太宗文皇帝遣兵圍錦州與薊遼總兵洪承疇遇通及馬科王樸吳三桂李輔明曹

貳臣傳

卷七

變蛟白廣恩王廷臣八總兵合兵十三萬
赴援次松山通與曹變蛟屢進戰輒敗
太宗文皇帝親統大軍圍之度明兵必遁
密授諸將机宜設伏邀擊明兵乘夜奔竄
自杏山迤南沿海東至塔山傷斃及溺海
死者甚眾通與樸三桂科廣恩等皆脫走
十五年松山破洪承疇就擒明法司論諸
逆將罪斬王樸餘皆以贖免通貶秩仍鎮

密雲是冬

太宗文皇帝遣兵自黃崖口入薊州越京
師趨山東凡克入十有八通始守牆子嶺
繼乃尾後聲言赴援不敢一戰及大軍凱
旋通與廣恩等合兵拒邀於螺山潰還密
雲十六年五月大學士吳姓將赴武昌討
流賊尙書張國維以通與馬利兵及京營
兵共一萬隨姓南征大學士陳演又以關

口不可無倫奏雷通裁密雲總兵改通薊
鎮中協總兵九月我

世祖章皇帝遣兵征寧遠通率兵赴援至
則李輔明已戰死中後所前屯衛中前所
三城俱破以寧遠城得全還報明帝移通
守薊鎮西協召見稱卿而不名賜蟒衣玉
帶十七年三月以流賊李自成陷大同封
通定西伯與總兵吳三桂左良玉黃得功

並徵入衛三桂等遠不能至通逾宿卽抵
京陛見賜銀幣慰勞再三發內幣銀四千
兩犒其軍命偕太監杜之秩守居庸通至
聞賊已抵柳溝遂與之秩並從賊賊入關
遣僞兵政府侍郎左懋泰偕通守山海關
通遣三桂書盛誇自成禮賢啖以父子封
侯三桂時甫領入衛兵至永平聞其妾陳
沅被虜還兵擊通通敗僅以八騎走其標

下兵八千盡潰降三桂自成聞之令降將
廣恩援通兵亦潰自成別以賊兵二萬守
關而遣通齎銀四萬兩犒三桂軍欲因以
招之三桂佯受金緩賊而書乞

本朝兵入關睿親王多爾袞統師由寧遠
進通率數百人迎戰于一片石敗卻自成
率賊二十餘萬自北山橫亘至海列陣以
待睿親王令我兵向海鱗次布列三桂兵

分列右翼末各對陣奮擊大敗賊衆通隨
自成西遁至府谷見賊勢蹙不足恃力糾
集散卒擊走賊將李過還駐保德州

本朝順至元年九月山西總兵高勳以通
願歸順乞兵共勦賊入奏十一月英親王
阿濟格統師至寧武關通隨勳迎謁王令
往保德州河岸造筏濟大軍通尋遣裨將
赴京齎繳定西伯銀印

命隸正黃旗漢軍晉封定西侯

詔以總兵官鎮守保德州殺賊自効二年
正月雙山土賊高一功陷榆林通與巡撫
趙兆麟逐之賊遁七月同陝西巡撫雷興
勦敗張果老崖土賊黃張飛等疏奏土寇
侵擾淳化耀州三原富平久爲民害黃張
飛等據勦負險恃衆敢拒官兵二旬四戰
恭將柏言遊擊史萬宰等殺賊四五百人

墮崖死者以數萬計獲大旗十鈇甲十三
盈七馬十六羸二驢七十四請分別賞卹
有功及陣亡諸弁兵以示獎勵得

旨疏內既稱殺賊四五百人跌死數萬何
以所獲旂甲等物止有如許此係明季惡
習以後不得沿陋入報下部嚴飭行九月
疏言三秦已定臣應回京供職請以保德
仍歸寧武鎮管轄所有兵馬當留陝西爲

城守之需得

旨准回京陛見其兵馬留陝西督撫察明

留用五年四月奏繳定西侯印乞改

賜世襲爵職下部議予一等子襲十四次

康熙三年二月以年老乞休

詔原品致仕遇朝賀隨班行禮四月死

賜祭葬如例其一等子爵子翰輔孫之汾

相繼襲之汾任廂紅旗副都統五十一年

卒所司以其子祝應襲請

諭曰唐通原係前明總兵官不能出力反

降順流賊後雖投誠本朝未著功績其世

職不必承襲

董學禮列傳

董學禮陝西廣武人明花馬池副將流賊

李自成陷陝西學禮從賊授為總兵駐割

懷慶

武原傳

卷七

六

本朝順治元年豫親王多鐸兵下河南學
禮降並以書招降寧夏僞寧夏侯陳之龍
賊將牛成虎獲其書盡殺學禮家屬會賊
犯孟縣學禮渡河來援殺賊千餘二年隨
英親王阿濟格平陝西署鳳翔總兵部議
以鳳翔例不設鎮令學禮來京另用尋入
京隸漢軍正黃旗五年敘投誠功授一等
子十六年海寇犯温州加左都督銜充隨

征浙江總兵官駐温州十八年擢湖廣提
督時明桂王將李來亨等踞湖廣西山康
熙二年二月學禮同總兵穆于輝于大海
高守貴由間道襲勦敗之于李店擒其將
宋段俘獲無算來亨退據譚家寨我兵四
面合圍別遣將恢復歸州巴東巫山等處
直達夔州撫輯西山洞寨百餘處得
旨嘉獎七月來亨乘大霧來犯我營學禮

督兵夾擊斬首七百餘三年來亨以內訌
舉家自焚學禮以書招降其黨王光興蔣
尙膺等五年死子永蕃襲職

陳名

陳名夏江南海鹽人
大明崇禎十六年進士
官翰林修撰兼戶兵二科都給事中
福王時以名夏曾降附流賊李自成定入從賊
案

本朝順治二年七月名夏抵大名投誠以
保定巡撫王文奎疏荐復原官旋擢吏部
左侍郎兼翰林院侍讀學士時大兵定江
南九卿科道議南京設官因草裁併事不
決名夏以

國家定鼎神京居北制南不當如前朝稱
都會宜去京之名存設官之寔疏入稱
旨三年丁父憂

國朝通志

命在官任事私居持服並

敕部議贈卹復陳情請終制

賜銀五百兩暫假歸葬仍給俸贍在京家
屬明年還朝五年初設六部尙書各一卽
授名夏吏部尙書定例各省道府州縣等
官遷陞俱俟三年考滿名夏以地方需人
必待考滿勢難懸缺奏改歷俸三年撫按
荐舉酌量推補等加太子太保八年授宏

文院大學士晉少保兼太子太保九年以
党附吏部尙書公譚秦議罪

詔罷內院任官俸如故發正黃旂下與閒
散人隨朝初睿親王多尔袞專擅威福尙
書公譚秦剛愎攬權名夏旣掌銓衡徇私
植党揣摩執政意指越格濫用匪人以迎
合固寵及多尔袞事敗御史張煊劾奏名
夏結党行私銓選不公諸劣蹟下諸王部

臣鞫議會

上方巡狩譚泰獨袒名夏定議諸款皆赦前事且多不寔煊坐誣論死至是譚泰以罪伏誅

命親王大臣覆按張煊所劾名夏罪狀名夏厲声強辯及詰問詞窮涕淚交頤自訴投誠有功異貸死

諭曰此輾轉矯詐之小人也罪寔难道但

朕有前旨凡譚泰干連概赦免若復執名夏而罪之是不信前旨也因宥之

諭令潔已奉公勿以貪黷相尚異其自新以副倚任十年復補祕書院大學士時吏部尙書員缺左侍郎孫承澤請令名夏兼攝

上以侍郎推舉大學士有乖大體責令回奏復

奏復

卷七

諭名夏曰尔可無疑懼越翼日仍

命署吏部尙書

上嘗幸內院閱會典及經史奏疏必與諸

臣講求治理兼

訓諸臣以滿漢一體六部大臣不宜互結

黨與

誠諭名夏益諄焉會有

旨令集議刑部論任珍家居怨望指姦謀

陷諸罪應死狀名夏及大學士陳之遴尙

書金之俊等二十八人與刑部九卿科道

等兩議得

旨責問名夏更巧飾欺蒙論死復

詔從寬典改削官銜二級罰俸一年仍供

原職十一年大學士甯完我列欵劾奏名

夏曰名夏屢蒙

皇上赦宥擢用宜洗心易行效忠于我

臣等

朝不意其蠱惑紳士包藏禍心以倡亂嘗
謂臣曰要天下太平只依我兩事臣問何
事名夏推帽摩其首云畱頭髮復衣冠天
下卽太平臣思爲治之要惟在法度嚴明
民心悅服名夏必欲寬衣博帶其情巨測
臣與逐事辨論不止千萬言灼見隱微名
夏禮臣雖恭而惡臣甚深此同官所共見
共聞者也今將結黨奸宄事蹟言之名夏

子掖臣居鄉暴惡士民怨恨欲移居避之
江寧有入官園宅在城各官集貲三千兩
代爲納價遂家焉掖臣橫行城中說人情
納賄賂各官敢怒而不敢言人人慎其威
勢名夏明知故縱科道官豈無一人聞之
不以一疏入告其黨眾可見矣名夏署吏
部尙書時因趙延先係其契交驟加陞擢
科臣郭一鶚疏言吏部陞官遲速不一指

延先爲証多開資俸兩月名夏欲罪之劉
正宗不平事乃已臣思趙延先不當陞而
陞名夏反欲罪言官其攬權可見矣浙江
道員史儒綱係名夏姻親爲浙撫蕭起元
所劾革職提問名夏許其復官屢囑起元
起元難之遲延三四年不結臣聞之已久
一日見名夏票蕭起元疏苛加指駁批從
重議處額色黑圖海以爲非臣言此疏祇

宜批該部議奏名夏不允其欲爲史儒綱
報復可見矣翰林張天植告假回南名夏
助路費銀百兩天植于其家還銀名夏不
知曾言天植得罪于我所以外轉後知銀
已還見天植又曰還尔翰林可也臣思甄
別翰林出自

聖裁而名夏直任去畱由已欺詐寔甚乃
昨見馮銓等荐牽十二人疏內列有天植

則名夏之營私巧計更莫測矣名夏與山西牛射斗結姻吏科魏象樞係其姻戚象樞劾司官錢受祺擅委事將巡撫誤作中軍後自檢牽下部核議象樞應降級調用名夏職票罰俸六個月其護党市恩顯然矣臣等職掌票擬一字輕重關係公私臣慮字有錯悞公立一簿注姓以防推諉行之已久一日名夏不俟臣等到齊自將公簿注姓塗抹一百一十四字爲同官所阻方止竊思公簿何得私抹不知作弊又在何件耳本年二月上命內大臣傳出科道不宜結党諭旨臣書稿底交付內直及票紅發下名夏抹去擠異排孤一語改去明季埋沒局中因而受禍今方馳覲域外豈容成奸四句作兩句其糾黨奸究之情形恐

皇上看破故欲以隻手障天也請
勅下大臣確審具奏法斷施行則奸党除
而治安可致矣下廷臣會勘名夏辨諸款
皆虛惟留頭髮復衣冠所言屬寔完我復
與大學士劉正宗共證名夏攬權市恩欺
罔罪讞成論斬
杖戍
上以名夏久任近密改處絞于掖臣逮治

白廣恩列傳

白廣恩陝西人明崇禎初流賊四起廣恩
從盜魁混天猴攻陷宜君鄜州襲靖邊爲
副將張應昌所敗中矢遁嗣總督洪承疇
破賊于平涼廣恩降授都司隨總兵曹文
詔敗賊金嶺川積功至蘇州總兵我
太宗文皇帝征明錦州承疇合諸鎮兵來
援以廣恩代左光先爲援勦總兵與總兵

曹爰蛟馬科王樸吳三桂唐通王廷臣楊國桂等合兵十三萬次松山國桂戰死俄聞我

太宗文皇帝親臨督陣諸將大懼出戰連敗餉道絕樸先遁廣恩等相繼走遇我軍邀擊大敗松山破承疇就擒并擒廣恩子良弼留養之明法司論諸逃將罪廣恩貶秩尋代馬科鎮山關良弼遺之書不報是

年冬我軍由黃崖口入蘇州廣恩自馬蘭峪同總兵白騰蛟來援而敗以兵入衛京師莊烈帝喜賚銀幣羊酒俄戰龍山口稍有斬獲以捷聞莊烈帝始悉廣恩覲望降旨讓責而美其後効特命敘功明年我軍由山東北旋廣恩合唐通等入鎮兵邀拒于密雲之螺山悉潰敗總督趙光忭請召廣恩入爲武經畧廣恩抗不赴召大學士

吳甦將督師征流賊請陽逮廣恩治罪而
已力救因率以討賊莊烈帝從之廣恩感
甦甚受約束無何莊烈帝遣中官齎二萬
金犒其軍且諭以溫旨廣恩遂驕縱不爲
甦用大掠臨潼關徑歸陝西莊烈帝不得
已命從總督孫傳廷辦賊廣恩桀驁不可
使傳庭惜其饒勇用以統火車營後傳庭
自汝州蹙賊于宝豐李自成來援廣恩與

總兵高傑夾擊敗賊轉戰至邗縣軍飢困
還軍迎糧自成帥精騎還戰傳庭問計于
諸將高傑請戰廣恩不可傳庭以爲怯廣
恩不懌及戰賊陣五重官軍破其三賊驍
騎殊死鬪廣恩軍將火車者呼曰師敗矣
脫輓輅而奔眾軍大潰高傑陷伏中廣恩
走汝州不救傳庭渡河入潼關加廣恩盪
寇將軍俾緣道收潰卒保潼關賊隨至攻

關廣恩力戰兵敗傑以前怨亦擁眾不救
關遂破傳庭戰歿廣恩西奔固原賊追擊
之卽開門降自成大喜握手共飲僞封桃
源伯

本朝順治二年英親王阿濟格勦賊陝西
廣恩具疏投誠自陳罪狀得

旨白廣恩自矢奮勇殺賊具見苦心不必
自陳前罪尋入京隸漢軍鑲黃旗五年八
月追敘投誠功授騎都尉世職未幾死以
其兄子良柱襲

南一魁列傳

南一魁陝西膚思人明副將崇禎末流賊
李自成陷陝西一魁降賊僞授叅將尋棄
之投鄂尔多斯部

本朝順治二年英親王阿濟格逐自成至
山西一魁來降王令前驅西渡河同明降

將康鎮邦招撫延綏東路自黃甫川至安定邊十七堡俱効順殺偽官劉九德隨大軍收西安以功授寧夏總兵時賊黨盤踞香山奸回聚河東一魁招散之并撫定兩河八路城堡陝西平

勅來京另用隸漢軍廂紅旂四年流賊張猷忠餘黨孫可望踞四川平西王吳三桂都統李國翰由陝西進勦一魁充右路總兵加都督同知五年七月平河州叛回總督孟喬芳令協勦文縣賊趙榮貴復其城八月叙功授三等輕車都尉六年十月賊首劉登樓任一貴謝汝德等陷延綏營堡三桂檄一魁往勦次武威遣叅將王國英寺敗之楊方坪斬偽將王虎復鎮靖堡一貴奔定邊同汝德拒守進圍之賊將齊進才殺汝德降於偽官戴治民等花馬池賊

黨周四聞風遁復榆林東西路十八營
堡一貴走鐵角城斬之登樓亦爲總兵劉
芳名所馘一魁進勦四川九年四月三桂
邀同總兵馬化豹復叙州府時兵馬不習
水土多死亡一魁憂成疾八月可望率水
陸數萬陷叙州府執一魁送貴州十年三
月可望犯寶慶府我兵敗之岔路口一魁
率把總袁功等兵四十由新化奔回常德

總督祖澤遠奏報得

旨南一魁抱病遇難自拔還歸情殊可念
俟平西王疏到尔部再行覆奏閏六月大
學士洪承疇經畧湖廣廣東廣西雲南貴
州五省以一魁善戰知賊情請爲部將
上命一魁以左都督赴軍前補給世襲
勅書

賜銀千兩及甲冑馬械尋以所蓄慣戰家

藏臣傳

卷七

七

丁散在陝西各堡塞調聚軍前可成一旅
請親赴陝西招訪整頓

允之十一年集兵千二百馬羸千餘同弟
叅將一才等至長沙充經畧前標總兵十
二年三月明桂王由榔將李定國自新會
敗走南寧

詔命靖南王耿繼茂合湖南廣西兵進攻
承疇遣一魁同左路總兵張國桂協勦十

三年定國奔安隆明桂王往依之遂奔雲
南承疇留國桂鎮廣西以一魁隨征貴州
平之十二月隨大兵入雲南桂王奔緬甸
一魁回任衡州十六年九月加太子少保
十八年四月兵部以一魁原隨經畧取雲
貴今雲貴已平衡州係腹裏既有城守副
將總兵官應裁得
旨允行一魁回京候補十二月

詔以原職隨旂上朝康熙五年一魁以會

蒙

世祖章皇帝特授總兵內大臣公鰲拜大學士范文程皆知之至今未授呈請兵部代題遂私到鰲拜家及傳

旨問鰲拜文程皆云不知部議以一魁身為大臣所陳詐妄又擅往輔政大臣家應革去職銜及世職佐領送刑部得

旨南一魁著削去佐領罰俸一年十一年五月以年老免上朝三年八月死

賜祭葬如例子鵬襲職

孫可望列傳

孫可望陝西延長人流賊張猷忠養子也猷忠據四川以可望為偽平東將軍

本朝順治三年肅親王豪格奉

敕統兵征四川猷忠敗死可望與其党李

定國劉文秀艾能奇白文選等率殘眾竄入川南襲重慶殺明守將曾英等陷綦江及遵義復由遵義入踞貴陽值阿迷土司沙定洲作亂雲南明黔國公沐天波奔永昌可望聞之率眾趨滇與定洲戰于蛇花口定洲敗遁阿迷可望留定國文秀于雲南而自引兵還貴陽會艾能奇死遂并其部眾僭稱平東王以干支紀年鑄錢文曰

與朝通寶定國在雲南迎天波任職如故與交善聞明桂王朱由榔據廣東遂附之獲視可望不爲下可望誘定國杖之演武廠以威眾定國益忿尋以兵勦於沙定洲兵力日強可望不能制乃通使降附由榔乞封爲秦王時由榔據廣西我平南王尙可喜定廣東定南王孔有德定湖南將夾攻廣西由榔欲可望爲援許而結之于是

可望與定國合謀抗拒大兵俄而大兵取
桂林由榔走南寧趣可望出靖州定國出
武岡以圖桂林文秀出叙州文選出重慶
以圖成都可望乃由平溪掠朝陽堡陷靖
州定國由武岡趨全州犯桂林有德督戰
失利城陷死之可望同定國縱掠湖南都
邑

上命敬謹親王尼堪爲定遠大將軍偕貝

勒屯齊進討援衡州定國不戰反走敬謹
親王率輕騎躡其後遇伏歿于陣屯齊代
之屢挫其鋒定國走廣西可望還貴州遣
文選自銅仁窺辰州以書招我總兵徐勇
勇執而誅之迎戰荔溪文選數敗却可望
益驅眾助之遂陷辰州勇督兵卷戰手刃
賊數十人中創墮馬遂遇害定南將軍阿
爾津援辰州文選遁定國復率眾四萬由

廣西犯湖南大兵敗之于永州定國由龍
虎關逸去掠廣東連陷郡邑可望亦率眾
四萬出武岡大兵自永州還寶慶遇之于
岔路口分兵逆擊斬馘無算獲其輜重可
望遁歸遣文秀以眾六萬乘巨艦千餘犯
常德別遣其將馮雙禮盧明臣犯武昌我
寧南靖寇大將軍陳泰遣護軍統領薩克
薩哈伏兵邀擊明臣赴水死雙禮被創遁

文秀走貴州時廣東大兵擊敗定國進薄
南寧可望乘間遷由榔居安隆擅殺其從
官數加折辱復議移之貴陽先是定國戰
敗永州可望欲以罪殺之使人約赴衡州
議事定國不至自是可望與定國遂絕可
望自設內閣六部等官立太廟定朝儀改
印文爲入疊盡易其舊由榔懼甚密使人
封定國晉王文秀安南王及可望欲移之

貴陽由榔益惧陰使約定國以兵迎衛時
文秀在雲南私迓由榔暨定國入居雲南
由榔使慰諭可望可望不受命引兵攻由
榔留雙禮守貴州令文選統諸軍前行至
三岔河與定國文秀夾水而陣文選陰附
定國單騎奔其軍可望遣其將馬寶等由
尋甸間道襲雲南而自率眾拒定國戰方
合兵潰走貴州定國遣文秀文選及將軍

揚武等窮追雙禮爲可望殿後截其子女
玉帛降于文秀可望倉皇走湖南遣其將
程萬里赴經畧洪承疇軍前納款而揚武
迨至沙子嶺刼掠殆盡承疇遣兵馳援可
望乃得脫携妻子至長沙乞降承疇以
聞時順治十四年十月也

上以可望草心向化宥其既往授爵爲義

王

詔曰卿阻在南服十餘年未識朝廷寬仁
大慶今一旦翻然便爲識時俊傑朕深嘉
予可望奏言臣當明季喪亡之際收士卒
繕甲兵此心久嚮慕
天朝欲以滇黔盡隸版圖今值滇黔內闕
臣得宣布

天朝威德率所部歸誠而李定國白文選
寺尙假借名號橫逆如故請速張樵伐以

遂生民去逆效順之悅

上優詔答之遣學士麻勒吉等賚

勅印封可望十五年可望隨麻勒吉至京

命簡親王濟度寺郊迎翼日入

覲宴之中和殿

賚白金萬兩其部下陳傑劉天瑞等百餘
人俱授職有差可望奏言大兵征滇正臣
報効之日滇南形勢臣所熟悉或借諸將

進討或隨大臣招撫諸境庶少効奉國初
心疏下王大臣以議大兵分三路趨雲南
指日奏功無事可望再往寢其奏是年大
兵直抵永昌由榔借沐天波等竄緬甸定
國文選分竄孟艮木邦十七年六月可望
疏辭封爵

上特諭曰王子身來歸孤踪疑畏抗辭册
印理亦宜然但封爵出自朕裁卿其祇受

十一月可望病死謚恪順子徵淇襲未幾
卒弟徵灝請襲御史孟飛熊疏言可望為
張猷忠餘党擁眾久踞滇黔負固不服擾
亂邊陲及被舊党李定國所敗眾散勢孤
窮蹙乞降以後未嘗効力軍前前有重罪
後無微勞濫膺非分之榮身死後復承襲
二次亟宜停止或酌量以次降等予襲無
俾世玷崇班疏下部議降為慕義公以徵

瀨襲徵瀨卒子宏相降襲一寺輕車都尉
乾隆三十六年奉
旨孫可望子孫世職自後不必承襲

白文選列傳

白文選陝西吳堡人明末從張獻忠爲盜
本朝順治三年肅親王豪格征四川獻忠
伏誅文選與其黨孫可望李定國劉文秀
潰走川南尋並附于明桂王朱由榔七年

文選攻遵義八年文秀自四川還雲南留
文選守嘉定是年大兵南征文選等敗走
大兵入嘉定九年五月文選由遵義出重
慶會于嘉定圖成都戰敗七月攻陷辰州
我總兵徐勇戰歿十三年可望圖自立憚
定國未敢發使文選促桂王由榔移貴州
文選雖爲可望用然心不直其所爲以情
告由榔始遲行以候定國定國至安隆文

選歸之奉由榔走雲南由榔封文選鞏國
公令還貴州慰諭可望可望銜其貳于定
國也悉奪所部兵羈之軍中十四年九月
可望舉兵叛由榔從部將馬惟忠言復用
文選令統諸軍前行定國文秀率師禦之
至三岔河與可望夾水而軍文選輕騎奔
定國擊敗可望由榔封文選爲鞏昌王十
六年大兵取雲南定國戰屢敗文選自盡

益追及定國定國畱之斷後至玉龍關大
兵追擊文選戰敗由右甸遁走木邦由榔
遁入緬甸十七年九月文選由木邦至錫
箔所至縱兵掠進攻阿瓦索還由榔阿瓦
有新舊二城新城緬甸所居文選急擊之
城垂破爲緬人所給退兵十里城中設備
反爲所敗乃率兵赴孟艮會李定國復赴
阿瓦先是由榔至緬久居赭磴文選密遣

人告由榔云不敢速進者恐有他變必得
緬人送出爲上策由榔亦書答之文選乃
陰造浮橋迎由榔爲緬人所覺事不果十
八年會兵阿瓦復遣人求出由榔緬人不
許以象兵與定國戰文選引兵橫擊之緬
人大敗退保新城文選復議以舟師攻之
遣人于上流造船爲緬人所焚遂與定國
移兵洞烏未幾潰走錫箔定國亦引還十

一月平西大將軍吳三桂平西將軍公愛
星阿會師木邦定國先奔景線文選據錫
箔憑江爲險大兵自木邦一晝夜行三百
餘里臨江造筏將渡文選奔茶山總兵馬
寧等率偏師追之及猛養文選降十二月
軍臨緬城緬人惧執由榔獻軍前定國走
死猛臘子嗣興降授都統銜滇南平
詔封文選承恩公隸漢軍正白旂康熙元

年十一月

詔給三寺公俸七年加太子少師十四年

死



賜祭葬如例

黨崇雅列傳

黨崇雅陝西寶雞人明天啓五年進士官

至戶部侍郎福王時以崇雅曾降附流賊

李自成定入從賊案



庫 文 閣 內			
五 函	二 三		淡
三 架	二 冊	四 號	書
		類	